



Australian
BORDER FORCE

Australiat sófor gorér dé musáafer ókkol ólla laazemi quarantin hóde alog-tákár uore dorhari maalamat

Australiat foñósér dé musáafer ókkol ólla laazemi alog-tákár entezam ókkol ór uore dorhari maalamat

13 Ogós 2020

KOVID-19 wobabearam or mukabelat mazé, Australia ye sófor or pabondi ókkol ar laazemi alog-tákár corót ókkol mutain goijjé.

Australiat foñósér dé musáafer ókkol beggún óttu hítára Australiat foñósár foílá gáñç ot 14 din laazemi alog-tákár sámna gorá foribó.

Muddot yaán or bútóre musáafer ókkol óre munaséb tákar zaga diyazaibo ar 14 dinna laazemi alog-tákár muddot fura goré fujjonto hítáraré dec ór bútóre (zeçé hítárar nizer gór fujjonto cáamel asé) sófor gorá yáto decór bútórgwa tallukat ókkol jari rakár ejazot diya nozaibó.

Raizzo adde elakar hókumot ókkol é, Australiar Hókumot or modot loi, alog-tákár entezam ókkol goribó. Beec híssa raizzo ókkol adde elaka ókkol ot, alog-tákár hóssat mazé híssa loibolla tuñáre súwal gorázaibo. Further information can be found on relevant state and territory government health websites.

Transít Musáafer Ókkol

Australiat foñósér dé decbidecí transít musáafer ókkol é arekkán decbidecí fláith loi zaigói faribó ziyán tuñúi foñíssó dé cóor óttu neeler. Transít musáafer ókkol óttu

- plein or math ot tákáforibó, zodi tuñáttu sárme fláith ólla, 8 góntha fujjonto entezar gorá forer de óile
- raizzor torfóttu mukoror goijjá zagat mazé laazemi alog-tákíbollá zaaforibó, zodi sárme fláith ólla tuñár entezar 8 ottú 72 gónth fujjonto óile

Transít musáafer ókkol Australiar bútóre sófor gorí nofaribó, oinno cóor óttu neelibó dé ekkán decbidecí fláith lootfaibollá fujjonto.

Australiat foñósár fúñáti ki acá goribó

- Zehón tuñúi Australiat foñósíba, plein or hammwa ókkol adde hókúmoti ofísar ókkol é tuñáre dibode hédáyot ókkol óre tuñáttu mana foribó.
- Tuñár zuban oré tuñúi ekteyar gorí baade címa sófáyir maamuli karuwai ókkol (hocthom, imigrecén adde gaar héfázoti cek diyar) híkka tuñúi zaiba.
- Címar sófáyi baade, hókúmoti ofísar ókkol é tuñáre baás ókkol ór híkka rasta deháibo zíin é tuñáre tuñár tákár zagat loizaibó.
- Tuñár tákár zagat foñósó fujjonto tuñáttu kafí thaim entezar gorá foritfare. Entezar or thaim ókkol iin óre zeddúr fare aramola banaibólla hókúmoti ofísar ókkol é kucíc goribó. Tuñár taawun adde sobór óre kodor gorázar.

Tuñár 14 din alog-tákár muddot ollá entezam ókkol

- Alog-tákár zagat hókúmoti ofísar ókkol é tuñár foñósá ré entezar goribó. Tuñí héçe foñósí baade tuñáttu tákítfare de súwal ókkol óre juwab dibollá ar alog-tákár thaim ot tuñáre modot goribólla hítára becí kúci.
- Tuñár tákár thaim or bútóre tuñáttu lagibó dé aásáni ókkol adde kérmoz ókkol beggún héçe tákár zaga gán ot tákíbo. Tákár zaga gán ot, maháfuz adde sáfsotúra táka, háná adde faní ar elaji modot ókkol cáamel asé.
- Tuñáttu sehéti hájot ókkol tákíle, zeénneki niyomi estemal gorár dabai ókkol ór sílip diya ókkol, héndhílla zoruriyat ókkol óre aásán gorí dibollá entezam ókkol gorázaibo.
- Foílá 48 gónthar bútóre adde alog-tákár 10 ottú 12 din or bútóre tuñáre KOVID-19 ólla test gorázaibo. Foríkká gorá ré tuñúi inkar goríle, tuñáttu ekkán aró lamba thaim alog-táká foritfare. Test gorár borabor entezam ókkol ór darmudar raizzo ókkol adde elaka ókkol ór uore.
- Biosecurity Act 2015 adde raizzor jari gorár laikká kaanun mozin, tákíbollá tuñáre diya giyé de zagat tuñáttu táká foribó, Australiar sómáj ot gólibollá tuñáre elaji sófáyi diyaza fujjonto.

Entezam ókkol iin óre raizzo yáto elakar hókúmot ókkol é bolazori manabaibó ar Australiar Hókúmoti ejensi ókkol é yó bol dibo.

Tuñár 14 din alog-tákár muddot fura wáa



Australian
BORDER FORCE

Australiat sófor gorér dé musáafer ókkol ólla laazemi quarantin hóde alog-tákár uore dorhari malumat

Zehón tuñáttu laazemi alog-tákár muddot fura goijjá óibó, Australiar bítóre tuñí sófor gorí faribá. Meérbánigorí, húcíyar táikkó dé ki raizzo ókkol adde elaka ókkol ót gólar adde alog-tákár corót ókkol tákítfare. Sófor ór age fotti ekkán raizzo adde elakat góla adde alog-tákár corók ókkol tuñáttu cek goróonsá.

Sófor ór pabondi ókkol ór mutallek, Australiar Hókúmot or Sehét Dhipármén or wébsaith ókkol ót raizzo ókkol adde elaka ókkol ór malumat or línk ókkol cáamel asé <https://www.health.gov.au/news/health-alerts/novel-coronavirus-2019-ncov-health-alert/coronavirus-covid-19-restrictions/coronavirus-covid-19-advice-for-international-travellers#quarantine-for-incoming-travellers>